

Dadus relata 29 Abril 2020

SUMÁRIU

- Ministériu Saúde no parseiru relevantes sira halo diskusaun kona-ba responsabilidade hodi pilár diferente no indikadór dezenpeñu hodi monitoriza no avalia sira nia servisu depois hetan atualizasaun hosi akordu finansiametu, kontrolu infesuan, pesoál saúde, no teste laboratóriu. OMS fornese desenvolvimentu atualizada no importánsia hosi mantein servisu saúde esensiál durante pandemia COVID-19.
- Instituto Nacional Saúde (INS) no Ministériu Saúde servisu hamutuk ho ajénsia ONU no NGO Internasionál sira desenvolve estratéjia ne'ebé kompreensivu no koordinadu ba kapasitasaun no treinamentu ba pesoál saúde no fó apoiu ba ospital referál, sentru saúde komunitáriu no postu saúde kona-ba kestaun prevensaun no jestaun ba COVID-19. Ida ne'e hanesan kontinuasaun hosi treinamentu ba COVID-19 ne'ebé fornese hosi governu no parseiru sira iha fulan hirak foin lalais ne'e.
- Ekipa treinadores ba vizita ona SSK no Postu Saúde iha munisípiu Dili, Aileu no Liquica hodi halo avaliasaun rápidu ba prontidaun hodi investiga no responde ba COVID-19 ne'ebé hetan apoiu hosi OMS no parseiru desenvolvimentu ba saúde Maluk Timor, apoiu ba facilidade saúde hirak ne'e hodi introdús mudansa ba jestaun COVID-19 efetivu liu no hodi fornese treinamentu ba infesaun no prevensaun, jestaun ba kazu, no jestaun ba hamoos ambiente tanba COVID-19.
- Ministériu Saúde no INS ho suporta hosi ajensia ONU (UNFPA, UNICEF no OMS) prodús matadalan ba Jestaun seguru no efetivu ba inan isin-rua liga ho kontestu pandemia COVID-19. Ministériu Saúde ho suporta hosi parseiru (UNFPA, OMS, DFAT, USAID no UNICEF) hala'o dadauk ona programa nasional ba teritóriu tomak kona-ba kapasitasaun no formasaun ba pesoál saude sira ne'ebé fornese kuidadu ba inan isin-rua. Ida ne'e hahú tiha ona ho durasaun soromutu loron 3 iha Dili no sei gradualmente habelar ba munisípiu seluk iha fulan hirak tuir mai.
- Pesoal klíniku 75 husi Facilidade Izolamentu Vera Cruz partisipa iha formasaun Jestaun Kazu Klínikal ba COVID-19. Formasaun ne'e inklui ho abilidade no senáriu relasiona ho oinsá administra oksijeniu, uza ekipamentu protesau pesoál, no kuidadu ba pasiente ho grau severidade ne'ebé la hanesan. Formasaun loron ida ne'e hala'o autoriza husi HNGV no organiza husi OMS no entrega husi edukador na'in 10 husi HNGV, St. John of God no Maluk Timor, ho apoiu hosi Royal Australasian College of Surgeons. Alende ne'e formasaun loron ida planeadu ona hodi aseguira katak pesoál hotu-hotu husi sentru izolamentu Vera Cruz bele mos hola parte.

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dadus ne'ebé públika iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

2 954 222 konfirmadu (76 026)


202 597 mate (3932)

AVALIASAUN RISKU OMS

Nivel Globál Aas tebes



Data notifikasaun kazu foun no kumulativu COVID-19 iha Timor-Leste



Source : Direcção Nacional Controlo de Doenças - Departamento Vigiância Epidemiologia

Timor-Leste

Sumáriu Global

- Presiza ajuda urgente ba vasina COVID-19 enfatiza imunizasaun nia papél importante hodi proteje moris no ekonomia. Dr Hans Henri P. Kluge, Diretór Rejonál OMS ba Europa, koalia bainhira marka Semana Mundiál Ba Imunizasaun iha Europa 2020, [‘ita labele abandona de’it imunizasaun, liu-liu iha tempu ida agora’](#). OMS no UNICEF públika ona deklarasaun conjunta hodi marka Semana Imunizasaun 2020 iha Europa, ne’ebé maka disponivel iha [ne’e](#).

OMS TIMOR-LESTE NIA OBJETIVU ESTRATÉJIA

- Hapara transmisaun hosi ema-ba-ema inklui hamenus infesaun sekundáriu entre sira ne’ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne’ebé rigorozu tebes no hasa’e kapasidade ba IPC nian;
- Identifika, izola no kuida ba pasiente; inklui fornese mós kuida óptimu ba pasiente ne’ebé infetadu;
- Halo sosializasaun ba informasaun risku no eventua ba comunidade hotu-hotu no hakotu informasaun la loos liuhosi servisu hamutuk ho parseiru sira.

- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman bebeik

Fase ita-nia liman ho dezinfetante ka fase ho sabaun no bee

Tansá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fiziku

Mantein distánsia fiziku pelumenus metru 1 (pasu 3) distánsia hosi ita nian a'an no ema seluk.

Tansá? Wainhira ema me'ar ka fani sira bele hada'et mós ho been turuk ki'ik sai husi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk been ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tansá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tansá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tansá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia aan no ho ema seluk husi COVID-19.

Tansá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje aan.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona númeru hotline – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-